

淨土懺願儀

若坐若行，皆勿散亂。不得彈指頃念世五欲，及接對外人語論戲笑，亦不得託事延緩，放逸睡眠，當於瞬息俯仰，繫念不斷。

法界次第

倍策精進，勤求不息，是名精進根。

心賦

堅求至道，曉夕忘疲。不向外求，虛襟澄慮。密室靜坐，端拱寧神。

評曰：靜業弟子，莫見不向外求密室靜坐之說，便謂不必念佛，須知念字從心，佛即自己。以自心念自己，烏得為外求也。況念之不已，則成三昧，靜密孰加焉。